

Na fa calei bawmhnak biathli

Sianginn kaihlan in - Tang 2 tiang

Ngakchia
paokpaok,
cotin khawh
ding paokpaok



Na fa carel, cattial, holh le theihnak bomh ningcang.

Nifatin cawlcanghnak kha inn sining he pehtlaihter

- Bia le hla hna ah na fa telter ve.
- Na fa bia kha ngai law an ruahnak kha bia hal nak he a tlamtling deuh in hal law let hna.
- Na pawngkam i a um cafang le biafang hna kha chim hna. Tahchunhnak ah eiawk a ummi bawm hna, motorka numbat, lamcung ca hna.
- A fawimi rawl kha chuang tti hna uh. Zeitindah kan chuan lai timi kha reltti uh, ze kan tuah lio ti mi kha i ruah uh.
- Lentecelhnak inn ah kal u law lentecelhawk kha thim tti uh.
- Ca a ra mi kha reltti u law an zuarmi thil hna kong kha i ceih uh.
- Chungkhar hmanthlak hna le hlanlio tuanbia kha i ruah uh.



Tuanbia chimhnak

Tuanbia chimhnak hi na fa holh thiamnak le holhtheihnak dingah bawmtu nganpi a si. An ruahnak zong a tthanter. Tuanbia kha nangmah zong nih na chimh khawh asilole na fa kha i chimhter dingah thazaang pe.

Chim mi tuanbia kong cu:

- Cauk chung in siseh TV chung in siseh uarbikmi mi kong.
- A dang chungkhar kong.
- Na fa nih a uarbik mi tunu.



Chungkhar hna hi ngakchia tthanchonak kongah a hmasabik le caan saubik a tuah kho mi an si i ngakchia pakhat a cawnnak ah rian biapi pakhat a si.

Lantecelhnak le nifate chungkhar ah tuahmi rian hna in na fa a holhning, a theihning, carel le tialning tthanchoternak le bawmhning lam tampi a um.

Nan fale calei an tthancho nakhnga nangmah asilole chungkhar dang hna nih nifate nan fale he tuah awk kha an theihter.

Nangmah holh in siseh Mirang holh in siseh hibantuk cawlcanghnak ah na fa aa tel ve ahcun tthathnemnak tampi a um kho mi a si.

Internet in rel awk ca tete cu cacawnnak ah a tuanttimi chungkhar hna website ah Mirang holh le holhdang phun 23 in zoh khawh an si: www.education.vic.gov.au/about/directions/familiespartners/schools/connecting.htm

Khuazei ah dah bawmhna ka hmuh khawh lai?

Na Fa i a Saya

Na fa calei a bawmhning cu na fa saya nih ruahnak an pek khawh lai. Saya he nan i ruahceih dingmi tlangtar ah aa tel mi pawl cu:

- Carlei ah na fa nih a tuah khawh mi pawl.
- Na fa nih aa tinhmi cu calei tthanchonak a si i cucu a tlamtlinh khawhnak lai zeitindah na bawmh lai.
- Aa harhmi thil ah na fa bawmhna ah na hman khawhmi tuahning pawl.

Online ah hmuh khawh mi pawl

Victorian acozah nih a tuahthar mi Connect-Primary website nih inn computer siseh khuachung library computer in siseh, cawnnak hriamnam ttha fawitein hmuhkhawhnak a tuah. Sianginn zongah a si kho men.

Connect-Primary website cu hika ah hin zoh <http://www.education.vic.gov.au/primary>

Ngakchia hna hman awk ah a tthami asi hrimhrimnak lai Connect-Primary website chung um pawl cu sayate nih an zoh peng.

Connect-Primary website i telh lo mi website ah na luh sual a si ahcun, himnak ruah ah, na min, na fa min, siang inn min, phone number te hna le na address tibantuk pumpak kong hna kha na theih lo mi sinah pe hlah.

Ultranet hi tuahter mi online, na fa sianginn ah a cacawnnak kong hngalhtertu a si. Hihi pengpumpi in a him mi siangngakchia, nu le pa le sayate nih internet in zoh khawh a si. Ultranet website cu: www.education.vic.gov.au/about/directions/ultranet/benefits/parents.htm

Tuanbia chimh ningcang hna.

- Lunghlau in tuah, na aw a phunphun in thleng, na kut na ke in cawlcang law cawng pah.
- Na fa duhnak khan thawk.
- Hmunhma le minung kha ser.

Hmunkhat te i reltti nak

Carel hi biachimnak cafang hna le cattialnak hna a pehtlaihter tu a biapi ngai mi a si.

Na fa carel piak cu mansung thil a si. Zohchunhawk cheukhat hna:

- Na fa kha cauk hna, magazine hna, thawngthanhnak hna, tuanbia hna asilole DVD hna kha thimter.
- Cauk chung i hmanthlak hna kong kha ceihpi law kha hna kong kha chimter.
- Hmanthlak chung thil hna min bunhnak in tuaktannak, ruahnak le cafang hna l i chap nak ca`h ca aa ttial lo mi hmanthlak cauk hna kha zohtti uh.
- Na fa nih a uarbik mi cauk le tuanbia hna kha rel tthan hna.
- Na fale anmahte i cauk le hmanthlak tuah kha bawn hna law in rel piak hna seh.

Na fa he carel tti nak cu a tuanbia kha na fa nih a hun hgalh tik in thawk law tlawmpal kha a hun rel khawh hna lai.

Na fa nih ca an rel piak tikah, a thiam tiang can pe law a rel mi kha a theihthiam le theihtiamlo biahal chun.



Timhmi a dangdang hna kongah nifatin te zeitin in ca na rel nak kong na fa na hmuhsak zong kha a biapi ngangai. Abiana ah, rawl tamhpaih ning kong hna, greeting card hna, nithla relnak hna, thilzuar mi min hna, eidin awk i benhmi ca hna, tuahning ttialnak hna, khuaram hmanthlak hna, tadinca hna, email hna, hmelchunhnak hna le website tibantuk hna.



Cauk kong i ruah hi carelnak ah a biapi ngaingai mi pakhat a si. Rel hlan, rel lio le reldih hnu ah cauk kong kha i ruah in cauk kong i na fa a ruahnak kha chimter law a kong kha hal. Cauk na rel hlan, rel lio le rel hnu i na hal khawhmi bia hna cu hihi an si.

- Zeikong dah rel na duh?
- Na hngalh mi cauk thim na duh maw?
- A phaw kha zoh- hi cauk kong hi zeitin dah na ruah?
- Hmanthlak ah hin zeidah a cang?
- A changtu ah zeidah a cang lai tiah na ruah?
- Cauk chung i na duhbik mi kha zeidah a si?
- Tuanbia ah kha a ho dah na uar bik? Zeiruung ah dah na uar?
- Cauk a donghning kha thleng kho law zeidah a si lai?

Carel ningcang

- Primary siangngakchia hna ca i an tuahmi FUSE website chung i biahal nak tuahmi kha hmeh i zoh le tuah tti.
- Na fa i a ton mi kong an chimh mi kha ttial i hmunkhat l rel tthan.
- Cauk thim le hmunkhat l rel dingah khuachung library asilole siang inn library ah kal.
- Primary siangngakchia ca ti tuahmi FUSE website ah vawlei cung kong kha kawl.



- Primary siangngakchia hna ca l tuahmi FUSE website ah Draw link timi kha hmet law hmanthlak asilole minung kha suai hna asilole a zawng thuh hna.
- Dictionary zoh in bafang kha hmanh hna.
- A chuahtu asilole a tuahtu nih a tuah mi kong i ruah
- Cauk pakhat a biapitnak kha sawh- a hmeilei phaw, a tuamnak, a chung um mi a ttialnak cahmai, cauk min tibantuk.



Carel le cattial cu hmunkhat ah an kal

Cattial cawn cu rin sawhsawh le pungsuai in a thawk. Hihi a biapi ngaimi a dotkhatnak a si i thazaang pek ding a si. Na fa nih a ttial mi kha a thangpi rel pi.

Na fa i a hngalh mi tete kha a chim, a ttial le a rel pehtlaihter nak ah hmanh. A tanglei hna bantuk in:

- Na fa i a ton mi asilole a duh mi thil kong kha chimter.
- Na fa kha biaruahnak chungin ttial a duhnak zawnte kha hal.
- Bia a chim pah i a ruahnak kha ttial hna. Ngakchia holh kha hmanh ko.
- Ttialmi kha na fa relter tthan.
- Na fa nih a ttial mi he a tlakmi thil pakhatkhat tuah le pungsuai a duh men lai.



Nifatinte inn i cattialnak caan ttha.

Carel bantuk in cattial zong hi inn i nifatin tuah mi pakhat a si ve.

Hibantuk cattialning hna hi inn ah tuah chun:

- Thil cawk ding cazin tuah law cawk ding pawl kha ttial hna; cun na cawk cia mi kha zah hna asilole a fun phoih hna.
- Chungkhar biacah mi ttialnak le relaw ah cattialnak calung i chiah.
- Zarhfatin te ca kha khuakhang u law ttial ti uh.
- Nan chungkhar hmanthlak bawm hna chung i hmanthlak hna ah khan ca ttial hna.
- Na fa zukdawh suai mi le tuah mi hna kha hngalhnak catlap benh hna.
- Greeting card hna, birthday card hna le thank you card hna kha tuah law ttial hna.
- Chungkhar nithla relnak kha a langhnak ah chia law chungkhar i a cangmi thil hna kha ttial hna. A chuak lai mi thil kong kha na fa le he i ruah uh. Abiana ah, khuazei, ze i caan le ho dah a um lai.



Premier carel zuamnak

Premier carel zuamnak cu Victorian siangngakchia hna ca`h tthanonak lam nganpi pakhat a si. Siangngakchia kha hmuichon an phak khawhnak lai cauk 30 an relter hna. Na fa carel a cawn liote a si ahcun carel piak asilole relpi le a tuanbia, a bafang le a hmanthlak hna kong ceihpi nak in na bawmh khawh. Premier carel zuamnak kong kha hi ka ah hin zoh. <http://www.education.vic.gov.au/prc/default.htm>